

Isalathiso: 20200930-8339
Inombolo yefayili: 13/9/2
Imibuzo: Z Isaacs

INGcaciso eMfutshane yeCandelo loLawulo lweeMviwo: 0008/2020

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela Balawuli, kwiiNgcali zeMfundo eziziiNtloko, kwiiNtloko zokuNika iNkxaso kwiKharityhulam, kuBacebisi ngeZifundo, kuBaphathi beeSekethe, kwiiNtloko zoLawulo nokuPhathwa kwamaZiko, kumaSekela eeNgcali zeMfundo eziziiNtloko, kwiiNtloko zokuNika iNkxaso kuBafundi, kuBaququzeleli beeMvavanyo neeMviwo nakwiiNtloko zamaziko alungiselela abaviwa iimviwo zeSatifikethi seMatriki sikaZwelonke

Isihloko: IiMviwo zeSatifikethi seMatriki sikaZwelonke (National Senior Certificate) (NSC) zangoNovemba 2020: Ukuzaliswa kweemakhishithi ze-School-Based Assessment (SBA), eze-Practical Assessment Tasks (PATs) neze-Language Oral

1. Le ngcaciso imfutshane mayifundwe kunye neSetyhula 0018/2020, yowe-03 Agasti 2020, i-*Guidelines for the implementation of Annual Teaching Plans (ATP), minimum core content, assessment and quality assurance of the amended 2020 school-based assessment for all grades*, eshwankathela iimfuno ezingummiselo zeSBA zamaBakala 10-12. ISetyhula 0018/2020 ikhankanya ukuba bonke abaviwa beBakala 12 mabathobele iimfuno ezingummiselo zeSchool-Based Assessment (SBA) and Examination/Summative Assessment ezimiselwe kwi-ATP (2020) ehlaziyiweyo.
2. Kwiimeko apho umzali/umnonopheli okanye ilungu losapho elityunjiweyo lalifake isicelo sokuxolelwa ngokupheleleyo okanye ngokungaphelelanga komviwa weBakala 12 ekuhambeni isikolo ngexesha lobume bentlekele yesizwe, umviwa kufuneka kwakhona athobele yaye afezekise zonke iimfuno ezingummiselo zeSBA ngokubambisene nesikolo.
3. Ukuze kuncitshiswe umthwalo wezolawulo kootitshala, kwenziwe izilungiso kumaxwebhu eerekhodi zezifundo eBakala 12 akwikhompyutha ukwenzela ukufakelwa kwezilungiso kwiSBA.

4. Izikolo zinayo indlela nokuba kukuzalisa amaxwebhu eerekhodi zezifundo eBakala 12 akwikhompyutha afumanekayo ukulungiselela ukuba akotshelwe kwisistim iCEMIS yaye oko kuya kwaziwa njenge-“**Option 1**” okanye ekukuzalisa nokungenisa amaxwebhu iimakhishithi eziprintiweyo okuya kwaziwa njenge-“**Option 2**”.
5. **I-“Option 1: Amaxwebhu eerekhodi zeZifundo akwikhompyutha noKungeniswa kweDatha kwiKhompyutha**
 - 5.1 **Inkqubo emayilandelwe xa kukotshelwa, kuveliswa (generating) amaxwebhu eerekhodi zezifundo kunye nokuzalisa iimo ezikwikhompyutha zokungeniswa kwamanqaku eSBA, ePAT nawe-Language Oral**
 - 5.1.1 Amaxwebhu eerekhodi zezifundo zeBakala 12 neefayili zedatha zikwifakwe kwisistim iCEMIS phantsi kwemenyu: *Reports → Recording Sheets → Grade 12 Download*.
 - 5.1.2 Inkqubo yokukopela amaxwebhu eerekhodi zezifundo zeBakala 12 iyafana naleyo yamaBakala 8-9 (makujongwe kwi-**Grade 12 Help file** efumaneka kwisistim iCEMIS, kanye ngezantsi kwemenyu echazwe ngentla).
 - 5.1.3 Zisakuba zikotshelwe zonke iifayili zezifundo nefayili yeedatha yaye kwaveliswa namaxwebhu eerekhodi zezifundo, le nkqubo inokwenziwa ukuba mayifumaneke kootitshala ukulungiselela ukufakwa kwisistim kwamanqaku.
 - 5.1.4 Izifundo ezilawulwa yiBhodi yeeMviwo eziMeleyo (*Independent Examination Board*) aziyi kuba namaxwebhu eerekhodi zezifundo akwikhompyutha afumanekayo ukulungiselela ukukotshelwa ngo-2020. Ezi zifundo ziya kulawulwa ngenkqubo eqhelekileyo eboniswe **kwi-Option 2**.
 - 5.2 **Ukufakwa kwamanqaku kumaxwebhu iirekhodishithi akwisistim**
 - 5.2.1 Amaxwebhu amatsha eerekhodi zezifundo eBakala 12 enziwe ngokungqinelana nesiHlomelo A esivela kwiSetyhula E1 yeSebe iDBE, yowe-15 Julayi 2020 (equlethwe kwiSetyhula 0018/2020 yeSebe leMfundo leNtshona Koloni (iSebe iWCED)).
 - 5.2.2 Imisebenzi yeemviwo zaphakathi enyakeni zango-2020 zeBakala 12 sele ikhutshiwe ekubalweni kwamanqaku eSBA ngokusebenzisa ifankshinalithi ka-“**skip**” (yaye yona ayinakutshintshwa).
 - 5.2.3 Amanqaku asuka kumaxwebhu eerekhodi zezifundo entsusa anokufakwa nokuba kukwikhompyutha kwakhona okanye akhutshelwe yaye apeyistwe (makusetyenziswe u-Copy no-Edit, u-Paste Special, makukhethwe ii-values ukuqinisekisa ukuba ifomathangi ayitshintshi) ukusuka kwi-original source. Makunonotshelwe ukuqinisekisa ukuba amanqaku akhutshelweyo ayangqinelana namagama akumaxwebhu eerekhodi amatsha.

5.3 Amanqaku angekafakwa eSBA, ePAT nawe-Language Oral

5.3.1 Amaxwebhu eerekhodi zezifundo amatsha eBakala 12 anomsebenzi omnye njengowokurekhoda kumaBakala 8-9 neeprogram zokunika ingxelo kunye nezalathi (*indicators*) ukulungiselela iintlobo ezahlukeneyo zokungabikho esikolweni (*absenteeism*). Inqaku okanye isalathi **kufuneka sinikwe umviwa ngamnye ogama lakhe livelayo kuxwebhu lweerekhodi zezifundo.**

5.3.2 Amaxwebhu eerekhodi zezifundo amatsha eBakala 12 alungiselela **ukungabikho esikolweni ngokusemthethweni nangokungekho mthethweni (*valid and invalid absenteeism*)**. Ukungqinisiswa kwedatha kuya kuqinisekisa ukuba kuphela ngamanqaku aphakathi ko-zero ("0") namanqaku angawona maninzi avumelekileyo OKANYE nazo naziphi na iindidi ezingezantsi zinokufakwa ekhompnyutheni. Makuchwethezwe unobumba wokuqala/oonobumba bokuqala xa kuboniswa ukungabikho esikolweni (*absenteeism*) (makujongwe le theyibhile ingezantsi)) xa kufakwa ekhompnyutheni.

Makufakwe kwikhompnyutha	Makubhalwe	Isizathu
u- a okanye u- ab	A: Abs	ukungabikho esikolweni ngesizathu esibambekayo (<i>Abs. Valid</i>)
u- e okanye u- exit	A: Exit	ngomfundi okhutshiweyo kwiincwadi zesi sikolo
u- n okanye u- new	A: New	ngomfundi omtsha ongenawo nawaphi amanqaku angaphambili
u- x okanye u- X	X: Abs	ngokungabikho esikolweni nokuphi na ngaphandle kwesizathu esibambekayo (<i>Abs. Invalid</i>)
u- i okanye u- irr	X: Irr	ukuba amanqaku agciniwe ngenxa yesitenxo (<i>irregularity</i>)

5.3.3 Kwiimeko apho kufakwe ukungabikho esikolweni ngesizathu esibambekayo (**A: Abs**) ekhompnyutheni, kuya kubalwa ngokuzenzekelayo amanqaku eSBA/ePAT/ee-Orali (kwenziwa into enye apho u-**A: New** okanye u-**Skip** bafakiweyo kwikhompnyutha). Apho kufakwe ukungabikho esikolweni ngesizathu esingabambekiyo (*invalid absence*) (**X: Abs**) ekhompnyutheni, umfundi uya kunikwa u-zero ("0") ukulungiselela loo msebenzi (oku kuquka nemeko apho kufakwe u-**X: Irr** kwikhompnyutha). Apho umfundi avelayo kuxwebhu lweerekhodi yezifundo, kodwa abe ekhutshiwe kwiincwadi zesikolo, makufakwe kwikhompnyutha u-**A: Exit** kuyo yonke imisebenzi eshiyekileyo. Isiphumo siya kubonisa u-**Exit** kuxwebhu lweerekhodi zezifundo ukulungiselela olu didi.

5.4. **Abafundi abangaveliyo kumaxwebhu eerekhodi zezifundo**

- 5.4.1 **Zonke izilungiso zezifundo ziya kuthathwa njengezitenxo.** Makufakwe kwikhompyutha u-**A: Exit** ngayo yonke imisebenzi yaye kungeniswe inkcazelo yezizathu ezibubungqina (iripoti yeBakala 11 okanye yeKota 1 yeBakala 12) kunye nefom yesiHlomelo A ezalisiweyo. Isigqibo esimalunga neziphumo zomfundi siya kuthathwa yiNtloko yeSebe leMfundo. **Akusayi kuvunyelwa kutshintshwa kwezifundo.**
- 5.4.2 Kuqhotyoshelwe inkqubo eqhelekileyo eyenziwa ngesandla yokuzalisa **isiHlomelo A** kule ngcaciso imfutshane eya kusebenza kuzo ZONKE iimeko ezikolu didi. Iifom zesiHlomelo A mazingeniswe kumcebisi ngezifundo.
- 5.4.3 Iifom zesiHlomelo A aziyi kwamkelwa liCandelo loLawulo lweeMviwo ngaphandle kokuba zisayinwe ngutitshala, yinqununu nangumcebisi ngezifundo.
- 5.4.4 Abaququzeleli bovavanyo neemviwo mabaqinisekise ukuba iifom zesiHlomelo A ezizalisiweyo zifika kwiCandelo loLawulo lweeMviwo ungasadlulanga owe- **23 Novemba 2020.**

5.5 **Inkqubo yokufakwa ngekhompyutha kwamanqaku e-Orali/kwamanqaku ePAT**

- 5.5.1 Isikolo AKUFUNEKANGA **sikhuphele (export) yaye siwakopele amanqaku amodareyithiweyo** kwesi sigaba. Oku kuya kwenziwa kuphela asakuba ONKE amanqaku efakwe agqitywa kwikhompyutha.
- 5.5.2 Apho inkqubo yokumodareyithwa kwamanqaku e-Orali kunye/okanye e-PAT ingekagqitywa, amaxwebhu eerekhodi zezifundo ka-Excel aqulethe amanqaku e-Orali okuphela konyaka/amanqaku ePAT makathunyelwe nge-imeyili kumcebisi ngesifundo ochaphazelekayo (makungazaliswa lukhuphelo nakukotshelwa kwamanqaku).
- 5.5.3 Umcebisi ngezifundo uya kusebenzisa amaxwebhu eerekhodi zezifundo akwikhompyutha ukuncedisa inkqubo yokumodareyitha namanqaku amodareyithiweyo okuphela konyaka e-Orali/ePAT aya kufakwa kwikhompyutha kuxwebhu lwerekhodi zezifundo ngumcebisi ngezifundo.
- 5.5.4 Umcebisi ngezifundo makabuyise uxwebhu lwerekhodi yezifundo lwe-Excel kwisikolo namanqaku amodareyithiweyo e-Orali/ePAT abonakalayo.

5.6 **Inkqubo yokufakwa ngekhompyutha kwamanqaku eSBA okuphela konyaka**

- 5.6.1 Inkqubo elandelwayo ifana naleyo yokungeniswa kwedatha yenkqubo yekota yamaBakala 8-9 (makujongwe i-**Grade 12 Help file** efumaneka kwisistim iCEMIS ukufumana iinkcukacha ezingaphezulu).

- 5.6.2 Makuveliswe i-Export text file ngesifundo ngasinye ngoxwebhu lweerekhodi zesifundo ngasinye asakuba efakwe kwikhompyutha **ONKE** amanqaku eSBA ebakala liphela. I-text file iya kuba kwisabhufolda i-“Export” kwindawo enye nalapho ifayili iseyivwe khona.
- 5.6.3 Ii-Export text files zesifundo ngasinye mazikotshelwe (uploaded) emva koko ngokuqala kudlulwe kwistim iCEMIS.
- 5.6.4 **Isakuba ikotshelwe (uploaded) i-Export file yesifundo, isikolo KUFUNeka sithumele nge-imeyili uxwebhu i-Excel Subject Record Sheet esetyenziselwa ukuvelisa i-Export file kumcebisi ngezifundo onoxanduva lweso sifundo. Makulandelwe inkqubo enye ngoxwebhu lweerekhodi zesifundo ngasinye ekwaveliselwa sona i-Export file yaza yakotshelwa ngokudlula kwisistim iCEMIS.**
- 5.6.5 I-Excel file iya kusetyenziselwa iinjongo zokumodareyitha ngumcebisi ngezifundo (akukho mfuneko yakungenisa kopi engamaphepha eprintiweyo).
- 5.6.6 **Isikolo masigcine iikopi ezikwikhompyutha zamaxwebhu eerekhodi zezifundo ze-Excel ngeenjongo zophicotho-zincwadi.**
- 5.7 **Inkqubo ekwikhompyutha yokufakwa kwisistim kwamanqaku amodareyithiweyo eSBA**
- 5.7.1 Isakuba inkqubo yokumodareyitha igqityiwe ngumcebisi ngezifundo, amanqaku amodareyithiweyo okuphela konyaka aya kufakwa kwikhompyutha ngumcebisi ngesifundo ngokuqala kudlulwe kwi-EduInfoSearch (EIS).
- 5.7.2 Ngoko nangoko akuwafaka umcebisi ngezifundo ekhompyutheni amanqaku amodareyithiweyo wayisayinela nenkqubo, akukho kukotshelwa (uploads) kuya kuvumeleka okwenziwa sisikolo. Umcebisi ngezifundo makagcine ikopi yasekhompyutheni yamaxwebhu e-Excel amodareyithiweyo ezifundo ngeenjongo zophicotho-zincwadi.
- 5.7.3 Isikolo siya kukwazi ukujonga amanqaku okuphela konyaka eSBA/ePAT/amanqaku e-Orali namodareyithiweyo esifundo ngasinye ngokuqala sidlule kwisistim iCEMIS.
- 5.7.4 Isikolo asiyi kufuneka ukuba sizalise iimakhishithi zeSBA ezingamaphepha ngesandla ukuba izikolo zikhetha i-Option 1 yaye sisebenzisa amaxwebhu eerekhodi zezifundo zeBakala 12 nokuba zingenisa ngekhompyutha amanqaku ezifundo eSBA ngokuqala sidlule kwisistim iCEMIS.
6. **I-“Option 2: Iimakhishithi eziprintiweyo zeemvavanyo zeSBA, eze-PAT neze-Language Oral**
- 6.1 Iimakhishithi eziprintiweyo zeemvavanyo zeSBA, ezePAT nezeLanguage Oral ziya kusiwa ezikolweni ungalulanga we-**05 Oktobha 2020**.

6.2 Ukufunyanwa kweekopi ezingamaphepha eziprintiweyo

- 6.2.1 Zisakuba zifunyenwe iimakhishithi zeekopi ezingamaphepha eziprintiweyo, iinqununu maziqinisekise ukuba zifunyenwe zonke iimakhishithi zezifundo ezifunekayo kwizikolo zazo, ekubhalwe kuzo abaviwa ngesifundo ngasinye.
- 6.2.2 Ezi makhishithi zezifundo zilandelayo aziyi kuthunyelwa ezikolweni kodwa ziya kusiwa ngqo kuBacwangcisi ngezeKharityhulam aBakhulu (*Senior Curriculum Planners*) kwaNdlunkulu:

Izifundo zobugcisa	Izifundo zepraktikhali
<i>Electrical Technology:</i> <i>Digital Systems</i> <i>Electronics</i> <i>Power Systems</i>	<i>Dance studies</i> <i>Design</i> <i>Dramatic Arts</i> <i>Visual Arts</i> <i>Music</i> <i>Trinity Music</i> <i>Unisa Music</i>
<i>Mechanical Technology:</i> <i>Automotive</i> <i>Fitting and Machining</i> <i>Welding and Metal Work</i>	
<i>Civil Technology:</i> <i>Civil Services</i> <i>Construction</i> <i>Woodworking</i>	
<i>Engineering and Technology:</i> <i>Engineering Graphics and Design</i>	

- 6.2.3 Kuphela yikopi enye yemakhishithi eprintiweyo ekuya kubonelelwa ngayo ukuba mayizaliswe. Ke ngoko, kubalulekile gqitha, ukuba iikopi zeemakhishithi zenziwe sisikolo nangabacebisi ngezifundo emva kokumodareyithwa kwazo yaye mazigcinwe kwisikolo nakwisithili ukulungiselela iinjongo zeerekhodi.
- 6.2.4 Maziqinisekise izikolo ukuba iimakhishithi eziprintiweyo ziyazaliswa yaye zenziwe zifumaneka kubacebisi ngezifundo ngosuku lokumodareyithwa kwazo. Ootitshala bezifundo mabazalise kuphela **amanqaku angamodareyithwayo** kwikholam ebhalwe "Mark".
- 6.2.5 Kuphela kusemva kokumodareyithwa kokuphela konyaka kwesifundo ngasinye, apho kuya kukhutshelwa amanqaku amodareyithiweyo ngokuchanekileyo kwikholam ebhalwe "Mod" kwimakhishithi yeSBA ngabacebisi ngezifundo.
- 6.2.6 Ukuba isikolo sifumana kuphela iimakhishithi eziprintiweyo emva kokuba igqityiwe inkqubo yokumodareyithwa kwazo, makwenziwe amalungiselelo ayimfuneko nabacebisi ngezifundo ukulungiselela ukuzaliswa nokusayinelwa kweemakhishithi.

6.3 **Ukunika abaviwa amanqaku eSBA, ePAT nawe-Language Oral**

6.3.1 **Kufuneka** kunikwe amanqaku umviwa ngamnye onombolo yoviwo yakhe ivelayo kwimakhishithi.

6.3.2 Oku makwenziwe nakubaviwa:

- ababegxothiwe okanye ababenqunyanyiswe okwethutyana esikolweni;
- abenze isicelo sokutshintsha iziko lokubhalela uviwo;
- abebengekho esikolweni ithuba elide apha enyakeni;
- abebengekho ngosuku lokumodeareyitha;
- abakhethe ukufundela ekhaya;
- ababhalisele isifundo kwesinye isikolo okanye iziko, umz. iziko lobugcisa; okanye
- ababhaliswe njengabaphindayo/abaviwa abangesosigxina.

6.4 **Amanqaku angafakwanga eSBA, ePAT nawe-Language Oral (abaviwa abebengekho nabo bangenamanqaku eSBA, awePAT nawe-Language Oral)**

6.4.1 Ukuba umfundi akayifakanga **ikhomponenti okanye iikhomponethi** zeSBA, zePAT okanye eze-Language Oral apha enyakeni, yaye kunikwe **izizathu ezibambekayo** zoko, umfundi makanikwe elinye ithuba lokuvavanywa kwimisebenzi ayinikiweyo okanye umfundi makangenise umsebenzi ongafakwanga phambi kokuqala kweemviwo zokuphela konyaka zokugqibela **ungadlulanga owe-05 Novemba 2020**. Ukuba oku akunakwenzeka, **makangathathelwa** ngqalelo amanqaku alo khomponenti okanye ezo khomponenti zeSBA, ezePAT kunye/okanye neze-Language Oral yaye awona manqaku maninzi, kule meko, makabalwe kwakhona kususelwa kwinani eliseleyo lemisebenzi egqityiweyo (makujongwe **kwiTheyibhile 1**).

ITheyibhile 1: Isizathu esibambekayo (likhomponenti zeSBA, zePAT neze-Language Oral zesifundo namanqaku omfundi):

	Ikhomponenti 1	Ikhomponenti 2	Ikhomponenti 3	Ikhomponenti 4	Ikhomponenti 5	Ikhomponenti 6	Ikhomponenti 7
Amanqaku Amaninzi	5	5	30	20	40	40	40
Umfundi	4	Ayenzwanga (Kunikwe isizathu esibambekayo)	16	Ayenzwanga (Kunikwe isizathu esibambekayo)	20	15	12

$$\begin{aligned}
 \text{Amanqaku eSBA} &= (4+16+20+15+12) / (5+30+40+40+40) \\
 &= 67/155 \\
 &= 43\% \text{ okanye } (43/100)
 \end{aligned}$$

6.4.2 “**Isizathu esibambekayo**” kule meko siquka oku kulandelayo:

- ukugula, okuxhaswa liphepha likagqirha elisemthethweni, esikhutshwe ligosa lezonyango elibhalisiweyo (*registered medical practitioner*);
- izizathu ezikhatshwa luvulwano lobuntu, ezinjengokusweleka kwelungu losapho elisondeleyo kumviwa okuxhaswa sisatifikethi sokusweleka.
- umfundi oya kuvela enkundleni yamatyala, yaye oko makuxhaswe bubungqina obubhaliweyo; okanye
- nasiphi na esinye isizathu esinokwamkelwa njengesizathu esisemthethweni yintloko yovavanyo okanye ngummeli wayo.

6.4.3 Ubungqina bezo zizathu zibambekayo mabufakwe kubungqina bendlela umfundi aqhuba ngayo ngethuba leeseshoni zokumodareyitha.

6.4.4 Ukuba umfundi akayingenisanga **ikhomponenti** okanye **iikhomponenti** zeSBA, ezePAT nezeLanguage Oral, kungekho **sizathu sibambekayo**, umfundi makawungenise umsebenzi ongenziwanga phambi kokuqala koviwo lokuphela konyaka **ngolwesine, ngowe-05 Novemba 2020**).

Ukuba oku akunakwenzeka, umfundi makanikwe amanqaku anguzero (“0”) kulo khomponenti okanye kwezo khomponenti zeSBA, ezePAT neze-Language Oral. Ngokwale meko, amanqaku angawona maninzi mawabalwe njengoko kubonisiwe apha ngezantsi (makufundwe **iTheyibhile 2**).

ITheyibhili 2: Akukho sizathu sibambekayo (iikhomponenti zeSBA, ezePAT neze-Language Oral yesifundo namanqaku omfundi):

	Ikhomponenti 1	Ikhomponenti 2	Ikhomponenti 3	Ikhomponenti 4	Ikhomponenti 5	Ikhomponenti 6	Ikhomponenti 7
Amanqaku Amaninzi	5	5	30	20	40	40	40
Umfundi	4	Ayenzwanga (Akunikwanga sizathu sibambekayo)	16	Ayenzwanga (Akunikwanga sizathu sibambekayo)	20	15	12

$$\begin{aligned} \text{Amanqaku eSBA} &= 4+0+16+0+20+15+12) / (5+5+30+20+40+40+40) \\ &= 67/180 \\ &= 37\% \text{ okanye } (37/100) \end{aligned}$$

6.5 **Ezi meko zilandelayo mazigxininiswe malunga nokuzaliswa kweemakhishithi**

6.5.1 Apho umviwa engazange azalise **nayiphi na imisebenzi konke**, kodwa enike **isizathu esibambekayo**, makufakwe u-“999” kwimakhishithi. Ubungqina besizathu esibambekayo (bezizathu ezibambekayo) mabunikwe kubacebisi ngezifundo kwiseshoni yokumodareyitha zisiwe kwiCandelo loLawulo lweeMviwo.

Okuthethwa ngu-“999”

- Umviwa uya kufumana **isiphumo esingaphelelanga** nkqu nokuba abhaliwe amanye amaphepha oviwo.
- Umviwa uya kunikwa **kude kuyokuba nge-15 Matshi 2021** ukuba angenise amanqaku eSBA kunye/okanye awePAT/*Language Oral*. Ezi ziphumo mazingeniswe ngabacebisi ngezifundo kwiCandelo loLawulo lweeMviwo ungadlulanga owe-**31 Matshi 2021**. Ukungawangenisi amanqaku angafakwanga eSBA, ePAT kunye/okanye nawe*Language Oral* lingadlulanga ixesha elisikiweyo kuya kuba nesiphumo sokuba umviwa asiphinde isifundo siphela.

6.5.2 Apho umviwa **angagqibanga** nayiphi na imisebenzi konke yaye kungekho zizathu **zibambekayo** zinikiweyo, makufakwe “**444**” kwimakhishithi. Lo mviwa ulolu hlobo uya kufumana isiphumo esingaphelelanga yaye makaphinde sonke isifundo.

6.5.3 **Zonke izilungiso kwizifundo ziya kuthathwa njengezitenxo.** Makufakwe u-“**888**” kwikholam yamanqaku kuze kungeniswe ingxelo ebhaliweyo enezizathu ezivokothekileyo nobungqina (Iripoti yesikolo yeKota 1 yeBakala 11 okanye eyeBakala 12) kunye nefom **yesiHlomelo A** ezaliswe ngokupheleleyo. Isigqibo malunga neziphumo zomviwa ziya kuthathwa yiNtloko yezeMfundo. **Akuyi kuvunyelwa ukutshintshwa kwezifundo.**

6.6 Abaviwa abanezithintelo zokuthetha kunye/okanye zokuva

Abaviwa abanezithintelo zokuthetha kunye/okanye zokuva, kufuneka endaweni yamanqaku e-orali, bafumane amanqaku ngokomlinganiselo osuselwa kumanqaku abawafumane kumsebenzi obhalwayo (*pro rata mark*) kwiimvavanyo ezibhaliweyo eziqingqiweyo zabo.

6.7 Umsebenzi oluxanduva lweenqununu malunga nokuzaliswa kweemakhishithi

Iinqununu maziqinisekise ukuba bonke abaviwa beNSC kwizikolo zabo bawanikiwe amanqaku afunekayo eSBA, ePAT nawe*Language Oral*. Iinqununu mazitshekishe yaye zisayinele imakhishithi emva kokuba izalisiwe ngutitshala ukuqinisekisa ukuthotyelwa kwemiqathango ekule ngcaciso imfutshane.

6.8 Umsebenzi oluxanduva lwabacebisi ngezifundo malunga nokumodareyithwa kweemakhishithi

Abacebisi ngezifundo bathwele uxanduva ngokupheleleyo lwenkqubo yokumodareyithwa kweekhombenti zeSBA, ezePAT neze*Language Oral* kwakunye nokuqinisekisa ukuthotyelwa kwemiqathango malunga nokumodareyithwa, ukuzaliswa kweemakhishithi namanqaku angafakwanga.

Iimakhishithi okanye iifom zesiHlomelo A **aziyi** kwamkeleka kwiCandelo loLawulo lweeMviwo ngaphandle kokuba zisayinwe ngutitshala, yinqununu nangumcebisi ngezifundo.

6.9 **Umhla wokubuyiswa kweemakhishithi**

Abaququzeleli bovavanyo neemviwo mabaqinisekise ukuba iimakhishithi ezalisiweyo zifika kwiCandelo loLawulo lweeMviwo ungalulanga owe-**23 Novemba 2020**.

7. **Amanqaku angafakwanga eSBA, awePAT naweLanguage Oral**

Kucelwa iinqununu ukuba zingabathumeli abaviwa abanamanqaku angafakwanga eSBA, awePAT naweLanguage Oral ngqo kwiSebe iWCED emva kokukhutshwa kweziphumo. Inkqubo echanekileyo yokuqhagamshelana neSebe iWCED malunga namanqaku angafakwanga eSBA, awePAT naweLanguage Oral, kukuqala kugqithwe kumcebisi ngezifundo kwi-ofisi yesithili echaphazelekayo.

8. Kucelwa iinqununu ukuba zinike zonke iintloko zezifundo/abaququzeleli nootitshala beBakala 12, ikopi yale ngcaciso imfutshane .

ISAYINWE: NGU-PAD BEETS

USEKELA MLAWULI-JIKELELE WOLAWULO LWEKHARITYHULAM NOVAVANYO

UMHLA: 2020-10-05